

Sic & strictiori significatione id ipsum accipitur postmodum de alterantibus specificis, seu determinatis, cephalicis, vterinis, stomachicis. Hæc ipsa quænam sint, inferius dicetur latius. De iis vero notandum ultimo, quod dicantur agere ὅλη τὴν οὐσίαν tota substantia, seu non via vel duabus qualitatibus, ut Gal. loquitur l. i. de simpl. med. Fac. c. 4. Quo ipso nolentes volentes facteri coguntur aliam quandam texturam, quam crassam elementarem, e principiis chimicis optime deducendam.

LIBRI I. SECT. I. CAPVT III.

Principiis cognoscendi, in specie colore.

Dictum est de principiis agendi, quod sint qualitates, ipsè vero hæc quoque principia cognoscendi constituant, modo concipiendi diverso. Principia sunt agendi ad intra, respectu texturæ sui & mixturæ. Principia sunt cognoscendi ad extra, prout sui indicia præbent, quibus inesse colliguntur, undeque enim energiæ sui præ se ferunt, qua agunt, quicquid agunt.

Hinc principia hæc cognoscendi in uniuersalia & particularia fuere diuisa. UNIVERSALIA sunt duo illa totius medicinæ communissima fulcra, ratio & experientia. Omnis quippe inventionis demonstrationisque principia sunt, quæ sensu atque intellectui evidentiæ sunt, autore Gal. l. i. S. M. F. s. 25. Sensu evidens est experientia, intellectui ratio.

Si vero queratur, quodnam ex hisce duobus magis concurrat, quodnam prius vel posterius, licebit nobis hoc applicare vulgatum illud, nihil esse in intellectu, quod non prius fuerit in sensu, seu quæ sensibus occurrent, fore notiora & priora esse. Vnde ut de his iudicium format ordinarie intellectus; ita etiam omne id limitatum est vel superinductum phænomenis illis.

Est itaque experientia obseruatio eorum, quæ obtigere per

se, non decepto iudicio, nec solum vna vice, sed in pluribus, ita ut posito eodem subiecto, & iisdem circumstantiis, si nihil impediat, semper ita fiat, non aliter; ne fiat fallacia non cause, vt causæ, quod tamen toto die accidit vulgo, imo etiam medicis, vt hoc puent v.g. febrifugum, quod somel itiuit. Statim solent illud *euena* medicum, seu probatum est accinere & adscribere, cum tamen nihil minus sit. Hinc experientia alia est certa, vera, & genuina universalis; alia incerta, infida, dubia & particularis, vnde iudicio accurato opus est, ne fallaris.

Neque dubium esse potest de experientia tali, quin potius assentendum est merito, etiam si non neque facile pateat ratio agendi, quin potius semper hæc substat. In primis non valent quicquam rationes ex falsa hypothesi, vel praconceptis opinionibus enatae. His sane vel centum si fuerint, vna opposita experientia satis facit. Vnde quod Galenus circa examen & formandum iudicium de S. M. F. inculcat, huic commode referri potest. Iubet nempe h. r. c. 3. & l. 3. de temp. c. 5. vt r. medicamentum quodcumque in iudicium vocare velis, omnis sit expers alienæ tum frigiditatis, tum caliditatis. 2. vt non in quolibet corporis affectu, sed sibi relicto, simplicissimo & summo applicetur, ne per se putetur efficere, quod ex accidenti effectum est, idque 3. statim & manifeste, vt huic, nbi alteri, re vera adscribi debeat effectus.

Addimus, merito medici quoque animum expertem esse debere omnis praconcepta opinionis, ne iuxthabat conceptam normam potius diludicet medicamenta, quam illam ad horum effectum. Sic v.g. non pauci opiate medicamenta vel hodienum venenosa & noxia proclamant, ab iisque & eorum usu ad superstitionem quasi dehortantur philiatros, quod vel ipsi hoc sibi firmiter persuaserint, vel effectu quodam finistro, non tam ipsius medicamenti, quam vtentis ægri, vel presribentis medici culpa, quæ in medicamentum hinc frustra & immerto refertur. Valet id quoque de vulgo, solenniter & toto die medicamentis imputantem v.g. vomitum, diarrhoeam, dolores, vigilias, somnum, imo ipsam mortem, vano illo & absurdo iudicio. Vana hæc est empiria, imo falsissima supersticio & opinio. Experientia ergo omnis ex ratio-

ne iudicanda, ut ratio etiam subtilissima debet ab experientia limitari & confirmari.

Porisma ergo summe necessarium est, non affirmanda omnia, quæ specieſe ſepe de experimentis his illis decantantur, ut quisque ſibi in his placere ſolet non raro, quæ ex dicta falſa hypothefi in utramque partem ſibi finxit, ſepe hyperbolice facta exaggeratione & immodicis elogii, vel etiam bona fide hinc inde excripta & transcripta, quorū ſpectant & libri botanici, aliique eius com-matis. Non omnia neganda, quod Scepticorum eſt, qui omnem effectum medicamentis subtrahunt.

PRINCIPIA PARTICULARIA ſunt, quæ in vnoquoque simplici ſeorsim & velut individualiter ſe exhibent ſensui & intellectui, quod & quare helleborus purget, arum ſit stomachicum melissa cephalicum, hyſſopus pectorale medicamentum.

M. Ut enim medici eſt, accurate inuestigare res ſecundum na-turam & præter naturam, macro- & microcosmum; ita in omnibus artis partibus habet talia principia extrinſeca & intrinſeca, vel media, quæ in diagnostiſ signa, in therapiā indicantia appellantur. Sunt & in vnoquaque simplici talismodi indicantia, talia principia cognoscendi, cognoscendi non groſſo ſolum modo, ut alterum ab altero diſtinguat intellectus, ſed & ſubtiliori, ut inde eliciat, quomodo ſe habeant ad corpus ſuum, ſeu humanum.

Quo loco repetendum eſt, perinde eſſe, vtrum præciferit ad effectum declarandum ratio, an potius experientia. Enascitur non minus & hoc pacto *ἀπόδειξις* ſeu demonstratio & scientia, cognitione firma & accurata. Si igitur, quod effatum eſt Logicorum, effectum, vel medium, vel ſignum talismodi naturale, vel aliud neceſſario conſequens nobis eſt notius, inde tanquam a posteriore & nos in medicina progredimur ad cognitionem cauſe efficien-tis, signati, & antecedentis. Valet & alterum illorum h. l. ſepe, diunt, quis inter meditandum ex effectu priuum inuenit cauſam, deinde per eandem cauſam de eodem effectu varia probat, quæ mentis ratiocinatio vocatur regreſſus demonstratiuus & parit ve-ram scientiam, ſcire enim eſt res per cauſas cognoscere, effectum per efficiens.

Sunt

Sunt vero vel *remota*, vel *proximiora*. Inter extrinseca COLOR considerandus primo venit. Colores ut sine dubio ex sulphure, matrice lucis, sunt arcessendi; sic de huius præsentia testantur. Notabile vero hac occasione est, 1. Sulphur maxime esse diffusuum principium, cuius particulae expansæ vel concentratae variant hinc iudicium & cognitionem. 2. Considerare id posse in substantia, quantitate, qualitate & motu. Substantia sulphur quasi indifferens est, debitum calori & vitæ sustentandæ, vnde viscidis suis blandis particulis principium nutribile constituit, quin, ut matrix lucis, calido, quod de luce ynice participiat, fœnerat incrementum vel conseruationem. Hinc ratione quantitatis, quæ multum participant de sulphure, illa quoque vel multum nutriunt, vel balsamica sunt. Ratione qualitatis vero & motus, quo pansum magis est sulphur, & in motum a particulis salinis volatilibus aptatum, eo magis calefacit. Si itaque colores cum modo substantiae & ex hoc fonte suo spectentur, coniunctim testantur & illi omnino de temperie, habito semper respectu ad ipsius sulphuris quantitatem, & qualitatem, ut haec ipsa non tam sint intensua, quam extensiua, seu quomodo sulphur, per colorem se exerens & manifestans, sit in corpore quocunque dispositum. 3. Enim sulphur hoc & color est interdum magis fugax & volatilis, superficiarius, expansus & diffusus; alius constans, magis prædominans, radicatus, & concentratus; in illis substat reliquis, nec calorem importat, in his ob prædominium calida reddit mixta ut plurimum, v. g. in violis, floribus cichorii & similibus. Violæ cœruleo colore suo testantur de sulphure, neque tamen calidæ sunt, sed temperatae vel refrigerantes potius ex dictis rationibus, vnde si per unum alterumque mensēm asseruentur exsiccari, non defensi probe ab aere, sensim albent, auolante illo expanso sulphure. Sic cœrulea etiam alia & purpurea, flores 4. cordiales, hepaticæ nobilis, papaueris rhœados &c. refrigerantes sunt, non calefiantes.

Imo consultum quoque est attendere haec refrigerantia ob id esse omnium optima, quod secum sulphur contineant blandum, sulphuri vitali amicum, adeoque ita refrigerent, ut simul roborent, & tonum non negligant partium.

C

Vbi.

Vbicunque vero sulphur actiuum magis est, tum substantia, tum quantitate, tum qualitate, tum motu, temperiem reddit calidam, vnde cum eminenter sulphur resideat in flavescentibus, & hic color flauus ipsi *ναρτέζοχην* quasi competit, inde temperie, vel virium saltim, ceteris paribus, eximiam praebet notam, modo texturae ipsius semper una habeatur ratio.

LIBRI I. SECTIO I. CAPVT IV.

De

Signaturis rerum.

Dinde etiam *SIGNATVRÆ* faciunt ad simplicium medicamentorum facultatem dignoscendam vel eruendam. *DICVNTVR* signaturæ quasi signacula, & characteres virtutum, ita ut extrinsecus quasi signatum exhibeant, quid intrinsecus secum gerant, vnde doctrina de signo & signato hoc pertinet. Suntque potissimum a chimicis aestimatae, iisque qui magia naturali & cabalæ student, vnde analogiae macrocosmi & microcosmi insigne præbent exemplum, & *συμπαθείας* quasi quædam indicia. Vocantur hinc non inopte velut nomen hieroglyphicæ, quæ plus habent in recessu, quam prima fronte ostendant, intelligentibus patentes.

Speciatim ergo signaturæ sunt & aestimantur a similitudine & analogia, quam præ se ferunt & quidem triplici; 1. *membrum corporis*, vnde regula exurgit, ex hac hypothesi fluens; Quæcunque analogiam & similitudinem obtinent huius vel illius membra, illa id ipsum magis respiciunt & iuvant.

2. Signaturæ exhibent analogiam *morborum & rerum* præter *naturam iudicantium*; vnde iterum colligit intellectus, saltim probabiliter: Quæcunque emulantur v.g. calculum, illa sunt nephritica; quæcunque acuta sunt & spinosa, doloribus punctorius medentur, &c.

Verbo quæcuuque analogiam quandam possident, hoc ipso monent aliquid naturæ arcanorum promum condum medicum. Peccatur circa signaturas, vt fit, vtroque extremo, vti v. g. *Crollius* illas